

# ՏԱԳՆԱՊԻ ԵՎ ՀՈՒՅՍԻ ՕՐԵՐ

Արմենապրեսի հատուկ թղթակիցներ Լ. ԱԶՐՈՑԱՆԸ և Զ. ԲԱԼԱԳՑՈՋՑԱՆԸ, որոնք հավատարմագրված են ԽՍՀՄ Գերագույն խորհրդի երկրորդ նստաշրջանում, հաղորդում են.

Սեպտեմբերի 28-ին «Մուկվա» հյուրանոցի մախարախ լցվեցին հարյուրավոր մարդիկ՝ Ադրբեջանից փախած գաղթականներ, որոնցից շատերը երեխաների հետ էին: Նրանք պահանջեցին, որ ԽՍՀՄ-ի ժողովրդական դեպուտատներն իջնեն իրենց մոտ: Նրանք պահանջում էին կոնստրուկտիվ կերպով լուծել Ղարաբաղի խնդիրը, որը երկու դրացի ժողովուրդների ազգամիջյան հարաբերությունների պիրկ համգույցի է վերածվել, ժողովուրդներ, որոնք հայտնվել են չհայտարարված պատերազմի պայմաններում:

Ադրբեջանի մայրաքաղաքի մախլիհն քնակիչները հատկապես նշում էին, որ իրենց վերոնդել են իրենց աշխատանքային կոլեկտիվներից, քնակարաններից ու տներից, որտեղ ապրել են տասնյակ տարիներ:

— Մի՞թե կարելի է ամիսներ շարունակ թափառել ու ծվախ ազգականների ու ծանոթների մոտ, մնալ առանց աշխատանքի, առանց գոյության միջոցների, — հարցնում էին նրանք:

Հայաստանից և Լեռնային Ղարաբաղից, ինչպես նաև երկրի տարբեր շրջաններից ընտրված ԽՍՀՄ ժողովրդական դեպուտատները ջանում էին հանգստացնել մարդկանց, բայց որոշակի ոչինչ չէին կարողանում ասել: Երկու հանրապետությունների դիմակայությունը, որը վերածվել է շատ սուր կոնֆլիկտի, շարունակում է պահպանվել:

Իսկ այդ ժամանակ վրդովված մարդկանց մոտով անտարբեր անցան նրանց մախլիհն համերկրացիներ, Ադրբեջանի դեպուտատական կազմի անդամները՝ «մարդկային հոգիների ինժեներ» Ա. Անարը, պատմաբան Փ. Ազիզբեկովան, պատգամավորության մյուս անդամները: Տեսնելով այդ, ակամայից մտածում են, թե մամուլում և կենտրոնական հեռուստատեսությամբ հաղորդվող պատասխանատու ելույթներում ինչքան փարիսեցիական են հնչում Ադրբեջանի պաշտոնատար անձանց բազում հավաստիացումները երկու եղբայր ժողովուրդների սրտացավ փոխհարաբերությունների, բազմահազարանոց մարդկային դրամայի է-

ություն մեջ խորամուխ լինելու նրանց պատրաստակամության մասին:

Դժվարին օրեր են ԽՍՀՄ ժողովրդական դեպուտատների համար: Նրանց առջև ծառայած են կարևորագույն խնդիրներ, որոնք ամենամագիլի լուծում են պահանջում: Երկիրն ականատես էր այն քանին, թե ԽՍՀՄ Գերագույն խորհրդի զույգ պալատների առաջին լիազումար միտում կրքերի ինչպիսի բորբոքման և համընդհանուր մտահոգության պայմաններում էին որոշվում օրակարգի առաջնային հարցերը, որոնք ընդունվեցին ուղղումներով:

Արդեն սկսվել է կառավարության կողմից մշակված սոցիալ-տնտեսական բարեփոխումների լայն ծրագրի քննարկումը: Այդ մասին քվակամաչափ համգամանորեն հաղորդվում է մամուլում:

Սակայն դրա հետ մեկտեղ կա նաև այլընտրական ծրագիր, որը մշակել է այսպես կոչված միջոցազուգույն դեպուտատական խումբը:

— Ինչո՞վ է պայմանավորված միջոցազուգույն դեպուտատական խմբի կազմակերպումը, ինչպիսի՞ն է նրա պլատֆորմը, — հարցրինք Գ. Ստարովոյտովային:

— Այն գոյացավ երկրում իրականացվող բարենորոգումների տեմպերից ու խորությունից մեր ընդհանուր անբավարարվածության, տնտեսության քնակավառում և հատկապես ազգային հարցում առաջանցիկ քաղաքականության բացակայության հիման վրա, — ասաց նա: — Այսպես, ԽՍՀՄ Գերագույն խորհրդի երկրորդ նստաշրջանի օրակարգում, որտեղ դրված են մի շարք կարևորագույն օրինագծեր, տնտեսական կանոնադրություններ, ազգային հարցը փաստորեն բացակայում է, այն դեպքում, երբ այսօր այդ հարցը համար առաջինն է: Եթե պառլամենտականներս սկսենք այն լուծության մատնել, ապա դա ամենևին չի նշանակի, թե խնդիրը գոյություն չունի կամ էլ այն կկարգավորվի ինքնընտանիքյան:

— Որո՞նք են ձեր առաջնային հարցերը:

— Ծատ կարևոր է պնդել, որ մոտակա լիազումար միտումներում քննարկվի և ուշադրության առնվի ԽՍՀՄ ժողովրդական դեպուտատների արտահերթ համագումար հրավիրելու հարցը: Ինչպես գիտեք, սահմանադրական հիմունքներում դա է պնդում Հայկական ԽՍՀ-ի պառլամենտը:

Հայաստանի Գերագույն խորհրդի այդ որոշմանը իրենց ձայնն են միացնում միջոցազուգույն խմբի 300-ից ավելի ժողովրդական դեպուտատներ: Միջոցազուգույն խմբի կարծիքով, ինքն ունի լուրջ առաջարկությունների ծրագիր, որը պետք է դրվի համագումարի քննարկմանը:

— Պատմեցեք այդ ծրագրի հիմնական դրույթների մասին:

— Այն ծավալում է և դժվար է նույնիսկ ընդհանուր գծերով ներկայացնել: Բայց կաշխատեմ: Խմբի անդամների կարծիքով, մեր երկրի սոցիալ-տնտեսական կառուցվածքի հիմքում են ընկած ազգային շատ կոնֆլիկտների սաղմեր: Ազգային պետական կազմավորումների գոյություն ունեցող սամդրակարգի հետևանքով մեր ժողովուրդները ասես բաժանված են տեսակների. միութեան կամ ինքնավար հանրապետությունում, ինքնավար մարզում կամ ազգային օկրուգում ապրողները միատեսակ իրավունքներից չեն օգտվում: Պատմական ճակատագրի քերտմով ժողովրդի մի մասը կամ էլ մի ամբողջ ժողովուրդ հայտնվել է այլ ժողովուրդներից կախյալ վիճակում: Ժողովուրդների մեծ վիճակը հակասում է իրավահավասարության սկզբունքներին և պետք է վերացվի: Բացի այդ, մենք այսօր չունենք ազգերի ինքնորոշման իրավունքի օրենսդրական երաշխիքներ:

Մեր կարծիքով, միջոցազուգույն դեպուտատական խմբի առաջարկած բարենորոգումը ընդունակ է էապես վերացնել առկա բոլոր հակասություններն ու անարդարությունը: Մենք այն կարծիքին ենք, որ ԽՍՀՄ-ում պետք է թողնել ազգային պետական ինքնուրույնության մեկ ձև՝ միութեան կամ հանրապետություն, անկախ նրա տարածքից, բնակչության թվից, արտաքին սահմանի առկայությունից: Եվ Ռուսաստանը, և Ուկրաինան, և Թաթարիան, և Չուկոտիայի ազգային օկրուգը, և Լեռնային Ղարաբաղը՝ բոլորը պետք է հավասար իրավունքներով մտնեն խորհրդային նոր ֆեդերացիայի մեջ:

Նրանց՝ այդ իրավահավասար «գործընկերների» միջև պետք է կնքվի դաշնակցային նոր պայմանագիր, քանի որ ԽՍՀՄ-ի կազմավորման 1922 թվականի պայմանագիրը այլևս չի արտացոլում այսօրվա պատմական իրողությունը: Ընդ որում, այդ պայմանագրում պետք է արտացոլված լինի

այն լիազորությունների շրջանակը, որոնք հանրապետությունները՝ մեծ թե փոքր, վերապահում են կենտրոնական ֆեդերալ կառավարությանը: Պետք է նաև մշակել սգո լիազորությունների շրջանակը: Հավանաբար, դրանք կապված կլինեն երկրի ընդհանուր պաշտպանության, միջազգային հարցերի, մասամբ տնտեսության հետ և այլն:

— Ինչքա՞ն այդպիսի իրավահավասար ինքնավար հանրապետություններ կարող են գոյանալ մեր երկրում:

— Մենք հաշվել ենք 53-ը: Բայց այդ թիվը կարող է փոխվել, եթե հանրապետություններն իրենց ցանկությամբ միանան: Մեր երկրում գոյություն ունի բուրիաթական երեք կազմավորում՝ մեկ ինքնավար հանրապետություն և երկու ազգային օկրուգ: Հավանաբար նրանք կուգենան միավորվել: Նույնպիսի վիճակի մեջ են նեմեցները՝ երեք կազմավորում: Կա, կարելի է ասել, երկու Հայաստան...

Մի՞թե նորմալ է, երբ սահմանը անմիջականորեն անցնում է ազգի կենդանի մարմնի միջով:

— Գալինա Վասիլևնա, մի քանի խոսք ասեք Արկադի Մանուչարովին դեպուտատական մանդատ հանձնելու առաջնության մասին, որը դրվել էր ձեր և ակադեմիկոս Սախարովի վրա:

— Համձնումը չկայացավ: Բուտիրյան քանտի պետը հյուրընկալորեն ընդունեց մեզ, բայց պատասխանատվություն չստանձնեց ինքնուրույն լուծելու այդ կարգի խնդիրը: Սակայն մեր խնդրանքով մեզ առաջնորդեց դեպի այն խոսքը, որի մեջ ներկայումս պահվում է Հայկական ԽՍՀ Գերագույն խորհրդի դեպուտատ Ա. Մանուչարովը: Մենք դիտանցքով մայեցինք և մեր խոստման համաձայն չխոսեցինք Արկադիի հետ: Ա. Մանուչարովը իրեն լավ է զգում, առողջ է, տեսքը վատ չէ: Բանտախցում երեք հոգով են, իրողությունը նորմալ է: Երկուսը շախմատ էին խաղում, իսկ Մանուչարովը հանգիստ հետևում էր խաղին և ծխում:

Այժմ մենք սպասում ենք նրա ազատման վերջնական որոշմանը: ԽՍՀՄ Գերագույն խորհրդի նստաշրջանի բացման օրը ԽՍՀՄ ժողովրդական դեպուտատ Սամվել Գալստյանը Մ. Ս. Գորբաչովին հանձնեց Ա. Մանուչարովին կալանքից ազատ արձակելու դիմում, որն ստորագրել են 156 դեպուտատներ: